

Jane Hutt AC
Y Gweinidog Cyllid a Busnes y Llywodraeth

27 Ionawr 2016

Annwyl Weinidog

Cynigion Cyllideb Ddrafft Llywodraeth Cymru ar gyfer 2016–17

Diolch ichi am ddod i gyfarfod y Pwyllgor ar 21 Ionawr 2016 i ateb cwestiynau am gynigion cyllideb ddrafft Llywodraeth Cymru ar gyfer 2016-17.

Hoffai'r Pwyllgor dynnu eich sylw at y materion a nodir isod, ac edrychwn ymlaen at gael eich ymateb, fel y bo'n briodol, cyn gynted â phosibl.

Aseiad Effaith Integredig Strategol

Rydym yn cydnabod mai nod yr Aseiad Effaith Integredig Strategol yw asesu effaith gyffredinol penderfyniadau gwariant Llywodraeth Cymru ac, fel y cyfryw, nid yw'n cynnwys aseiad effaith manwl o'r gostyngiad mewn cyllid ar gyfer llywodraeth leol. Mae gan awdurdodau lleol, wrth gwrs, gyfrifoldeb statudol i gynnal aseuadau effaith fel rhan o'u proses o bennu'r gyllideb, ac fe ddylent fod yn atebol am eu penderfyniadau gwario. Fodd bynnag, credwn fod rôl drosolwg i Lywodraeth Cymru o ran monitro pa mor gadarn yw'r aseuadau hyn yn ogystal â'u heffaith gronol. Rydym yn croesawu eich ymrwymiad i ystyried y mater hwn ymhellach, ynghyd â'r Gweinidog Gwasanaethau Cyhoeddus. **Rydym yn edrych ymlaen at ganlyniad eich trafodaethau ac fe hoffem ichi adrodd yn ôl i'r Pwyllgor maes o law.**



Trechu tlodi ac anghydraddoldeb

Yn eich tystiolaeth ysgrifenedig, rydych yn dweud bod penderfyniadau cyllidebol Llywodraeth Cymru yn seiliedig ar ymrwymiad i drechu tlodi. Er bod y pwynt hwn hefyd yn cael ei wneud drwy gydol yr Aseiad Effaith Integredig Strategol, roeddem yn siomedig ynghylch y diffyg gwybodaeth fanwl yn yr Aseiad i arddangos sut y mae'r ymrwymiad hwn yn dylanwadu ar benderfyniadau cyllidebol ar draws portffolios Gweinidogion. **Hoffem gael manylion pellach gennych ar y mater hwn.**

Dull y gyllideb ddrafft

Yn eich tystiolaeth, dywedoch fod gwaith Grŵp Cyngorol y Gyllideb ar Gydraddoldeb wedi tynnu sylw at yr angen i ganolbwyntio ar flaenoriaethau sy'n seiliedig ar aseiad o'r effaith gadarnhaol fwyaf. Darparwyd enghreifftiau o benderfyniadau a oedd wedi'u hysbysu gan y Grŵp Cyngorol, gan gynnwys diogelu cyllid ar gyfer Dechrau'n Deg, Cymunedau yn Gyntaf a Chefnogi Pobl, sy'n anelu i fynd i'r afael ag anghydraddoldeb. Er bod y dull hwn o flaenoriaethu cyllid i'w groesawu, mae'n dibynnu ar fonitro cadarn o wariant a chanlyniadau clir, mesuradwy, er mwyn bod yn effeithiol. I'r perwyl hwn, rydym yn tynnu eich sylw at ein pryderon parhaus ynghylch monitro a gwerthuso'r rhaglen Cymunedau yn Gyntaf, y byddwn yn eu codi eto yn ein llythyr at y Gweinidog Cymunedau a Threchu Tlodi.

Rydym yn cydnabod buddion Atebolrwydd yn Seiliedig ar Ganlyniadau, nid yn unig o ran mesur perfformiad, ond fel offeryn i lywio penderfyniadau cyllido. Rydym yn cydnabod y gwaith sydd wedi'i wneud gan Lywodraeth Cymru i wella'r trefniadau ar gyfer asesu effeithiolrwydd ei rhaglenni allweddol a'r symudiad i ddull seiliedig ar ganlyniadau gan ddefnyddio Atebolrwydd yn Seiliedig ar Ganlyniadau. **Hoffem gael rhagor o fanylion oddi wrthyhych am sut y mae hyn wedi helpu i lywio'r broses o bennu'r gyllideb, yn enwedig y penderfyniadau i amddiffyn y cyllid ar gyfer Cymunedau yn Gyntaf.**

Edrychaf ymlaen at gael eich ymateb maes o law.

Yn gywir



Christine Chapman AC

Cadeirydd

cc: Jocelyn Davies AC, Cadeirydd y Pwyllgor Cyllid

